

三僧問蝦夷言、汝知此意不也、答不知也、僧復問言、汝作何善、答、我奉寫法華經三部、唯一部未供養之也、札出三枚、二枚金札、一枚鉄札、亦斤出二枚、一枚重倍稻一把、一枚輕減¹⁵稻一把、于時僧言、校札之者、実如汝白、敬寫三部法花大乘也、雖寫大乘、而作重罪、所以者何、汝用斤二、出拳之時、用於輕斤、徵債之日、用於重斤、故召汝耳、今者忽還、々来如前、多人以箒掃道作椅言、奉寫法花經之人、從閻羅王宮還來之、度彼椅畢、纔見甦還、然而彼戴所寫之經、增發信心、講說供養、誠知、作善來福、作惡來災、善惡之報、終不朽失、並受二報、唯專作善、不可作惡矣、

用寺物復將寫大般若建願以現得善惡報緣第廿三

大伴連忍勝者、信農國小泉郡嬬里人也、大伴連等同心、其里中作堂、為氏之寺、忍勝為欲寫大般若經、發願集物、剃除鬚髮、著袈裟、受戒修道、常住彼堂、宝龜五年甲寅春三月、倏被入讒、堂檀越所打損而死、檀越者、即忍勝之同屬也、眷屬議曰、令斷于殺人之罪、故輒不燒失、点地作冢、殯收而置、死歷五日乃甦、語親屬言、召使五人、共副疾往、々道頭、有甚峻坂、登於坂上、而躊躇見、有三大道、一道平広、一道草生荒、一道以藪而塞、衢中有王、使白言召、王示平道言、從是道將、王使衛往、道末有大釜、々湯氣如焰、涌沸如波、吼鳴如雷、即取忍勝、并投彼釜、々冷破裂、而成四破、

爰三僧出来、問忍勝言、汝作何善、答、我不作善、唯欲寫大般若經六百卷、故先發願、而未書寫、于時、出鉄札、校之如白、僧告之言、汝実發願、出家修道、雖有是善、而多用于住堂之物、故摧汝身、今還畢願、後償堂物、纔放還來、過三大衢、從坂而下、即見甦返、斯乃發願之力、用物之災、是我招罪、非地獄咎矣、大般若經云、凡錢一文至廿日倍、一百七十四萬貫九百六十八文倍在、故竊一文錢、莫盜用也者、其斯謂之矣、

依妨修行人得猴身緣第廿四

近江国野州郡部内、御上嶺、有神社、名曰陀我大神、奉依封六戸、社边有堂、白壁天皇御世之宝龜年中、其堂居住、大安寺僧惠勝、暫頃修行時、夢人語言、為我誦經、驚覺念怪、明日小白猴現來言、住此道場、而為我誦法華經云、僧問言、汝誰耶、猴答言、我東天竺国大王也、彼国有修行僧、從者数千、所以農業怠、数千者千余數云、数千也、因我制言、從者莫多、其時我者、禁從衆多、不妨修道、雖不禁修道、因妨從者、而成罪報、猶後生受此彌猴身、成此社神、故為脫斯身、居住此堂、為我誦法華經、僧言、然者供養行也、時彌猴答曰、無本心供物、僧言、此村粗多有、此乎充我供養料、令誦經、彌猴答言、朝廷祝我、而有典主、念之已物、不免我、々恣不用典主者即彼神社司也、僧言、無供養者、何為奉誦經、彌猴答言、然者、浅井郡有諸比丘、將誦六卷抄、故

14 枚一杖

15 枚前一杖

16 減(前)一威

17 校(前)一授

18 微(前)一微

19 債(前)一毛乃、可比乎、來

前(前)一納

20 從(前)一徒

1 果(來)一懸

2 之(國)一ナシ

3 忍(來)前(忍)一忍

4 也(來)前(也)一國也

5 輒(來)前(輒)一輒

6 死(來)前(然)一然

7 甚(來)前(其)一其

8 末一末

9 取(來)前(生)一取

10 井(真)積(ハ)ト、來(積)一ハ

11 校(來)前(一)一授

12 償(來)前(一)一償

13 大(前)一丈

1 之(來)前(一)也

2 所以(來)前(故)一所以

3 僧(來)前(一)一ナシ

4 充(來)前(一)一死

5 庭(來)前(一)一庭臣